

APOCALYPSIS B. IOANNIS APOSTOLI.

LIBRI huius præstantiam paucis complexus est D. Hieronymus ad Paulinum, cum dixit: Apocalypsis Ioannis tot habet sacramenta quot verba. Parum dixit: Pro merito voluminis, laus omnis inferior est. In verbis singulis multiplices latent intelligentiæ. Unde Dionysius Alexandrina urbis Episcopus apud Eusebium lib. 7. histor. cap. 25. In libro Apocalypsis arcanam planeque admirabilem singularum rerum intelligentiam latere existimo. Nam & sicubi ipse non intelligo, suspicor tamen altiorum quemdam sensum verbis subesse, eaque non meo ipsius iudicio metior; sed plus fidei tribuens, sublimiora cenfeo quam ut à me percipiantur, & eò admiror magis quo minus capio. Totum huius libri caput 20. latè & eximie exponitur ab Augustino de Civitate Dei, lib. 20. cap. 7. & sequentibus: unde colligas quam præclara ex libri huius divina obscuritate erui possent, si ut in capite illo; ita & in ceteris, Augustinum, aut Augustini similem interpretem haberemus.

CAPUT PRIMUM.

Septem Asia minoris Ecclesiis liber inscribitur. Iesus Christus primogenitus è mortuis; prologus primæ visionis.

I. Apocalypsis Iesu Christi, quam dedit illi Deus palam facere servis suis, quæ oportet fieri citò: & significavit, mittens per Angelum suum servo suo Ioanni,

† IN PESTO S. MICHAELIS ARCHANG.

* Exod. 3. 14.

* 1. Cor. 15. 20.

Col. 1. 18.

* Hebr. 9. 14.

1. Petr. 1. 19.

1. Ioann. 1. 7.

* Isai. 13. 30.

Matth. 24. 30.

Iude. 14. 10.

* Zach. 12. 10.

* Isai. 41. 4. & 44. 6. & 48. 12.

Infr. 21. 6. & 22. 13.

2. qui testimonium perhibuit verbo Dei, & testimonium Iesu Christi, quæcumque vidit.

3. Beatus, qui legit, & audit verba prophetiæ huius: & servat ea, quæ in ea scripta sunt: tempus enim propè est.

4. Ioannes septem Ecclesiis, quæ sunt in Asia. Gràtia vobis, & pax ab eo, * qui est, & qui erat, & qui venturus est: & à septem spiritibus, qui in conspectu throni eius sunt:

5. & à Iesu Christo, qui est testis fidelis, * primogenitus mortuorum, & princeps regum terræ, qui dilexit nos, & lavit nos à peccatis nostris * in sanguine suo, *

6. & fecit nos regnum, & sacerdotes Deo & Patri suo: ipsi glória, & imperium in sæcula sæculorum: Amen.

7. * Ecce venit cum núbibus, & videbit eum omnis oculus, * & qui eum pupugérunt. Et plangent se super eum omnes tribus terræ: Etiam: Amen.

8. * Ego sum *a*, & *w*, principium, & finis, dicit Dóminus Deus: qui est, & qui erat, & qui venturus est, omnipotens.

9. Ego Ioannes frater vester, & particeps in tribulatione, & regno & patientia

in Christo Iesu: fui in insula, quæ appellatur Patmos propter verbum Dei, & testimonium Iesu:

10. Fui in spiritu in Dominica die, & audivi post me vocem magnam tamquam tubæ,

11. dicentis: Quod vides, scribe in libro: & mitte septem Ecclesiis, quæ sunt in Asia, Epheso, & Smyrnæ, & Pergamo, & Thyatiræ, & Sardis, & Philadelphiæ, & Laodicæ:

12. Et conversus sum ut vidèrem vocem, quæ loquebatur mecum: Et conversus vidi septem candelabra aurea:

13. & in medio septem candelabrorum aureorum similem filio hominis, vestitum podere, & præcinctum ad mamillas zonâ aureâ:

14. caput autem eius, & capilli erant candidi tamquam lana alba, & tamquam nix, & oculi eius tamquam flamma ignis,

15. & pedes eius similes aurichálco, sicut in camino ardenti, & vox illius tamquam vox aquarum multarum:

16. & habebat in dextera sua stellas septem: & de ore eius gladius utraq; parte acutus exibat: & facies eius sicut sol lucet in virtute sua.

17. Et cum vidissem eum, cecidi ad pedes eius tamquam mortuus. Et posuit dexteram suam super me, dicens: Noli timere: * ego sum primus, & novissimus, *

18. & vivus, & fui mortuus, & ecce sum vivens in sæcula sæculorum, & habeo claves mortis, & inferni.

19. Scribe ergo quæ vidisti, & quæ sunt, & quæ oportet fieri post hæc.

20. Sacramentum septem stellarum, quas vidisti in dextera mea, & septem candelabra-

* Isai. 41. 4. & 44. 6. & 48. 12. Infr. 21. 6. & 22. 13.

lâbra aurea: septem stellæ Angeli sunt septem Ecclesiarum: & candelabra septem, septem Ecclesiæ sunt.

CAPUT II.

Angelis, seu Episcopis septem Ecclesiarum, quæ sunt nominata, scribere Ioanni præcipitur.

1. Angelo Ephesi Ecclesiæ scribe: Hæc dicit, qui tenet septem stellas in dextera sua, qui ambulat in medio septem candelabrorum aureorum:

2. Scio opera tua, & laborem, & patientiam tuam, & quia non potes sustinere malos: & tentasti eos, qui se dicunt Apostolos esse, & non sunt: & invenisti eos mendaces:

3. & patientiam habes, & sustinisti propter nomen meum, & non defecisti.

4. Sed habeo adversum te, quod charitatem tuam primam reliquisti.

5. Memor esto itaque undè excideris: & age penitentiam, & prima opera fac. Sin autem, venio tibi, & movèbo candelabrum tuum de loco suo, nisi penitentiam egeris.

6. Sed hoc habes, quia odisti facta Nicolaitarum, quæ & ego odi.

7. Qui habet aurem, audiat quid Spiritus dicat Ecclesiis: Vincenti dabo edere de ligno vitæ, quod est in Paradiso Dei mei.

8. Et Angelo Smyrnæ Ecclesiæ scribe: Hæc dicit primus, & novissimus, qui fuit mortuus, & vivit:

9. Scio tribulationem tuam, & paupertatem tuam, sed dives es: & blasphemaris ab his, qui se dicunt Iudæos esse, & non sunt, sed sunt synagoga satanæ.

10. Nihil horum timeas quæ passurus es. Ecce misurus est diabolus aliquos ex vobis in carcerem ut tentemini: & habebitis tribulationem diebus decem. Esto fidelis usque ad mortem, & dabo tibi coronam vitæ.

11. Qui habet aurem, audiat quid Spiritus dicat Ecclesiis: Qui vicerit, non lædètur à morte secunda.

12. Et Angelo Pergami Ecclesiæ scribe: Hæc dicit qui habet rhomphæam utraq; parte acutam:

13. Scio ubi habitas, ubi sedes est satanæ: & tenes nomen meum, & non negasti fidem meam. Et in diebus illis Antipas testis meus fidelis, qui occisus est apud vos, ubi satanas habitat.

14. Sed habeo adversus te pauca: quia habes illic tenentes doctrinam * Balac, qui docebat Balac mittere scandalum coram filiis Israël, edere, & fornicari:

* Num. 24. 3. & 25. 2.

15. ita habes & tu tenentes doctrinam Nicolaitarum.

16. Similiter penitentiam age: si quò minus veniam tibi citò, & pugnabo cum illis in gladio oris mei.

17. Qui habet aurem, audiat quid Spiritus dicat Ecclesiis: Vincenti dabo manna absconditum, & dabo illi calculum candidum: & in calculo nomen novum scriptum, quod nemo scit, nisi qui accipit.

18. Et Angelo Thyatiræ Ecclesiæ scribe: Hæc dicit Filius Dei, qui habet oculos tamquam flammam ignis, & pedes eius similes aurichálco:

19. Novi opera tua, & fidem, & charitatem tuam, & ministerium, & patientiam tuam, & opera tua novissima plura prioribus.

20. Sed habeo adversus te pauca: quia permittis mulierem Iezabel, quæ se dicit propheta, docere, & seducere servos meos, fornicari, & manducare de idolothytis.

21. Et dedi illi tempus ut penitentiam ageret: & non vult penitere à fornicatione sua.

22. Ecce mittam eam in lectum: & qui mœchantur cum ea, in tribulatione maxima erunt, nisi penitentiam ab operibus suis egerint.

23. & filios eius interficiam in morte, & scient omnes Ecclesiæ, * quia ego sum scrutans renes, & corda: & dabo unicuique vestrum secundum opera sua. Vobis autem dico,

* 1. Reg. 16. 7. Psal. 7. 10. Ierem. 11. 20. & 17. 10. & 20. 12.

24. & ceteris qui Thyatiræ estis: Qui cumque non habent doctrinam hanc, & qui non cognoverunt altitudines satanæ, quemadmodum dicunt, non mittam super vos aliud pondus:

25. tamen id, quod habetis, tenete donec veniam.

26. Et qui vicerit, & custodierit usque in finem opera mea, dabo illi potestatem super Gentes,

27. & reget eas in virga ferrea, & tamquam vas figuli confringentur,

28. sicut & ego accèpi à Patre meo: & dabo illi stellam matutinam.

29. Qui habet aurem, audiat quid Spiritus dicat Ecclesiis:

CAPUT III.

Cum Episcopo Sardensi, deinde cum Philadelphensi, postremo cum Laodicensi agit.

1. **ET** Angelo Ecclesie Sardis scribe: Hæc dicit qui habet septem Spiritus Dei, & septem stellas: Scio opera tua, quia nomen habes quod vivas, & mortuus es.

2. Esto vigilans, & confirma cetera, quæ moritura erant. Non enim invenio opera tua plena coram Deo meo.

3. In mente ergo habes qualiter acciperis, & audieris, & serva, & penitentiam age. Si ergo non vigilaveris, * Veniam ad te tamquam fur, & nescies quâ horâ veniam ad te.

4. Sed habes pauca nomina in Sardis, qui non inquinaverunt vestimenta sua: & ambulabunt mecum in albis, quia digni sunt.

5. Qui vicerit, sic vestietur vestimentis albis, & non delebo nomen eius de Libro vitæ, & confitebor nomen eius coram Patre meo, & coram angelis eius.

6. Qui habet aurem, audiat quid Spiritus dicat Ecclesiis.

7. Et Angelo Philadelphie Ecclesie: scribe: Hæc dicit Sanctus & Verus, * qui habet clavem David: qui aperit, & nemo claudit: claudit, & nemo aperit.

8. Scio opera tua. Ecce dedi coram te ostium apertum, quod nemo potest claudere: quia modicam habes virtutem, & servasti verbum meum, & non negasti nomen meum.

9. Ecce dabo de synagoga satanæ, qui dicunt se Iudæos esse, & non sunt, sed mentiuntur: Ecce faciam illos ut veniant, & adorent ante pedes tuos: & scient quia ego dilexi te.

10. quoniam servasti verbum patientiæ meæ, & ego servabo te ab hora tentationis, quæ ventura est in orbem universum tentare habitantes in terra.

11. Ecce venio cito: tene quod habes, ut nemo accipiat coronam tuam.

12. Qui vicerit, faciam illum columnam in templo Dei mei, & foras non egredietur amplius: & scribam super eum nomen Dei mei, & nomen civitatis Dei mei novæ Ierusalem, quæ descendit de celo à Deo meo, & nomen meum novum.

13. Qui habet aurem, audiat quid Spiritus dicat Ecclesiis.

14. Et Angelo Laodiceæ Ecclesie scribe: * Hæc dicit: Amen, testis fidelis, & verus, qui est principium creaturæ Dei.

* Ican. 14.
6.

15. Scio opera tua: quia neque frigidus es, neque calidus: utinam frigidus esses, aut calidus:

16. sed quia tepidus es, & nec frigidus, nec calidus; incipiam te evomere ex ore meo.

17. quia dicis: Quod dives sum, & locupletatus, & nullius egeo: & nescis quia tu es miser, & miserabilis, & pauper, & cæcus, & nudus.

18. Suadeo tibi emere à me aurum ignitum probatum ut locuples fias, & vestimentis albis induaris, & non appareat confusio nuditatis tuæ, & collyrio inunge oculos tuos ut videas.

19. * Ego quos amo, arguo, & castigo. * Prox. 3. Emulare ergo, & penitentiam age.

20. Ecce sto ad ostium, & pulso: si quis audierit vocem meam, & aperuerit mihi ianuam, intrabo ad illum, & cenabo cum illo, & ipse mecum.

21. Qui vicerit, dabo ei sedere mecum in throno meo: sicut & ego vici, & sedi cum patre meo in throno eius.

22. Qui habet aurem, audiat quid Spiritus dicat Ecclesiis.

CAPUT IV.

Thronus Dei; viginti quatuor seniores; quatuor animalia mystica; 24. seniorum adoratio; quatuor animalium canticum.

1. **POST** hæc vidi: & ecce ostium apertum in celo, & vox prima, quam audivi tamquam tubæ loquentis mecum, dicens: Ascende huc, & ostendam tibi quæ oportet fieri post hæc.

2. Et statim fui in spiritu: & ecce sedes posita erat in celo, & supra sedem sedens.

3. Et qui sedebat similis erat aspectui lapidis iaspidis, & sardinis: & iris erat in circuitu sedis similis visioni smaragdineæ.

4. Et in circuitu sedis sedilia viginti quatuor: & super thronos viginti quatuor seniores sedentes, circumamicti vestimentis albis, & in capitibus eorum coronæ aureæ:

5. Et de throno procedebant fulgura, & voces, & tonitrua: & septem lampades ardentes ante thronum, qui sunt septem spiritus Dei.

6. Et in conspectu sedis tamquam mare vitreum simile crystallo: & in medio sedis, & in circuitu sedis quatuor animalia plena oculis ante & retro.

7. Et animal primum simile leoni, & secundum animal simile vitulo, & tertium animal habens faciem quasi hominis, & quartum animal simile aquilæ volanti.

quartum animal simile aquilæ volanti.

8. Et quatuor animalia, singula eorum habebant alas senas: & in circuitu, & intus plena sunt oculis: & requiem non habebant die ac nocte, dicentia: * Sanctus, Sanctus, Sanctus Dominus Deus omnipotens, qui erat, & qui est, & qui venturus est.

9. Et cum darent illa animalia gloriam, & honorem, & benedictionem sedenti super thronum, viventi in sæcula sæculorum,

10. procidebant viginti quatuor seniores ante sedentem in throno, & adorabant viventem in sæcula sæculorum, & mittebant coronas suas ante thronum dicentes:

11. Dignus es Domine Deus noster accipere gloriam, & honorem, & virtutem: quia tu creasti omnia, & propter voluntatem tuam erant, & creata sunt.

CAPUT V.

Ioannes videt librum, septem sigillis ob-signatum, quem solus Agnus, qui occisus est, aperit. Propterea quatuor animalia, & viginti quatuor seniores Deum laudant, & Agnum.

1. **ET** vidi in dextera sedentis supra thronum, librum scriptum intus & foris, signatum sigillis septem.

2. Et vidi Angelum fortem, prædicantem voce magnâ: Quis est dignus aperire librum, & solvere signacula eius?

3. Et nemo poterat neque in celo, neque in terra, neque sub terra aperire librum, neque respicere illum.

4. Et ego flebam multum, quoniam nemo dignus inventus est aperire librum, nec videre eum.

5. Et unus de senioribus dixit mihi: Ne fleveris: ecce vicit leo de tribu Iuda, radix David, aperire librum, & solvere septem signacula eius.

6. Et ¶ vidi: & ecce in medio throni & quatuor animalium, & in medio seniorum, agnum stantem tamquam occisum, habentem cornua septem, & oculos septem: qui sunt septem spiritus Dei, missi in omnem terram.

7. Et venit: & accepit de dextera sedentis in throno librum.

8. Et cum aperisset librum, quatuor animalia, & viginti quatuor seniores ceciderunt coram agno, habentes singuli citharas, & phialas aureas plenas odorationum, quæ sunt orationes sanctorum:

9. & cantabant canticum novum, dicentes: Dignus es Domine accipere librum, & aperire signacula eius: quoniam occisus es, & redemisti nos Deo in sanguine tuo ex omni tribu, & lingua, & populo, & natione:

10. & fecisti nos Deo nostro regnum, & sacerdotes: & regnabimus super terram.

11. Et vidi, & ¶ audivi vocem angelorum multorum in circuitu throni, & animalium, & seniorum: & erat numerus eorum * millia millium,

12. dicentium voce magnâ: Dignus est Agnus, qui occisus est, accipere virtutem, & divinitatem, & sapientiam, & fortitudinem, & honorem, & gloriam, & benedictionem.

13. Et omnem creaturam, quæ in celo est, & super terram, & sub terra, & quæ sunt in mari, & quæ in eo: omnes audivi dicentes: Sedenti in throno, & Agno: benedictio, & honor, & gloria, & potestas in sæcula sæculorum.

14. Et quatuor animalia dicebant: Amen. Et viginti quatuor seniores ceciderunt in facies suas: & adoraverunt viventem in sæcula sæculorum.

CAPUT VI.

Aperitis sigillis septem, ex quatuor primis exeunt equi diversi coloris.

1. **ET** vidi quod aperisset Agnus unum de septem sigillis, & audivi unum de quatuor animalibus, dicens, tamquam vocem tonitru: Veni, & vide.

2. Et vidi: & ecce equus albus, & qui sedebat super illum habebat arcum, & data est ei corona, & exivit vincens ut vinceret.

3. Et cum aperisset sigillum secundum, audivi secundum animal, dicens: Veni, & vide.

4. Et exivit alius equus rufus: & qui sedebat super illum, datum est ei ut sumeret pacem de terra, & ut invicem se interficiant, & datus est ei gladius magnus.

5. Et cum aperisset sigillum tertium, audivi tertium animal, dicens: Veni, & vide. Et ecce equus niger: & qui sedebat super illum, habebat stateram in manu sua.

6. Et audivi tamquam vocem in medio quatuor animalium dicentium: Bilibris tritici denario, & tres bilibres hordei denario, & vinum, & oleum ne laferis.

7. Et cum aperisset sigillum quartum,

Kkkk 2 au-